

**PEMBERITAHUAN PERTANYAAN LISAN
DEWAN NEGARA MESYUARAT KETWO, PENGGAL KEEMPAT
PARLIMEN KESEBELAS**

PERTANYAAN : LISAN

TARIKH : 19 Julai 2007

SOALAN

YB Senator Dato' Rina Bhar minta MENTERI PEMBANGUNAN WANITA, KELUARGA DAN MASYARAKAT menyatakan 'soft loans' telah diberikan kepada wanita terutamanya ibu tunggal untuk menolong mereka memulakan perniagaan untuk menampung diri sendiri dalam hal kewangan. Berapa ramai wanita yang telah diberi pinjaman ini dan jumlah yang gagal menjelaskan bayaran balik pinjaman ini.

JAWAPAN

Tuan Yang di-Pertua, Kementerian Pembangunan Wanita, Keluarga dan Masyarakat melalui Jabatan Kebajikan Masyarakat Malaysia (JKMM) ada menyediakan bantuan modal kepada wanita termasuk ibu tunggal bagi memulakan perniagaan agar wanita terbabit dapat menampung keperluan kewangan sendiri. Bantuan tersebut disalurkan di bawah skim Geran Pelancaran di mana bantuan maksimum sehingga dua ribu tujuh ratus ringgit (RM2,700) diberikan kepada pemohon termasuk wanita untuk memulakan perniagaan kecil-kecilan. Semenjak tahun 2004 hingga 2006, seramai dua ratus lapan puluh lima (285) orang ibu tunggal telah menerima bantuan modal ini yang melibatkan peruntukan berjumlah enam ratus dua puluh satu ribu sembilan ratus tiga puluh lima ringgit (RM621,935). Walau bagaimanapun, untuk makluman Dewan yang mulia ini, pihak Kementerian tidak menyediakan sebarang bentuk pinjaman atau 'soft loans' kepada wanita termasuk ibu tunggal untuk memulakan perniagaan. Pembiayaan sedemikian disediakan oleh agensi-agensi yang terlibat dalam pembangunan usahawan seperti Amanah Ikhtiar Malaysia (AIM), Perbadanan Pembangunan Industri Kecil dan Sederhana (SMIDEC), Kementerian Kemajuan Luar Bandar dan Wilayah serta agensi di bawah Kementerian Pembangunan Usahawan dan Koperasi yang menawarkan skim khas untuk usahawan wanita. Tuan Yang di-Pertua, Menyedari kepentingan wanita untuk turut terlibat dalam dunia perniagaan, Kementerian membantu dalam menyediakan wanita terbabit sebagai usahawan melalui pelaksanaan program-program pembangunan wanita dalam bidang seperti latihan kemahiran, keusahawanan dan pengurusan perniagaan. Sepanjang tahun 2006, sebanyak satu ratus tujuh puluh empat (174) program pembangunan kapasiti wanita telah dijalankan oleh JPW dengan kerjasama Pertubuhan Bukan Kerajaan (NGO). Seramai sepuluh ribu satu ratus lima (10,105) orang wanita telah mengikuti program-program tersebut dengan peruntukan berjumlah RM2.16 juta.

